

Sorteo pa secuencia di parada di Carnaval 2025

Un anochi festivo

RIBA diahuebs 9 di januari 2025 a tuma luga e sorteo oficial pa e orden di e gruponan di Carnaval den tur e paradanan di Carnaval na Aruba, organisa pa SMAC. E evento, teni na Stellaris Casino den colaboracion cu BingoAruba, tabata tin un ambiente festivo y di casino.

E gruponan di carnaval participante a saca nan luga den e orden di parada door di weganan creativo y interactivo, cuadrando cu e tema di e anochi. Musica a wordo proporciona pa e banda energetico X-Static Band, cu a completa e ambiente di fiesta.

E evento a conta cu presencia di fanaticonan di carnaval y representantenan di e gruponan,



y AWEMainta a captura e momentonan vibrante riba potret.

E ambiente tabata yen di emocion y anticipacion, cu tur bista riba e proximo paradanan di carnaval cu ta priminti di bira un punto culminante riba e calendario cultural di Aruba.

Keda pendiente di e agenda di carnaval y prepara pa un espectáculo colorido unda tradicion, creatividad y comunidad ta uni!

